

Орман қорының аумағында өрттен келтірілген залалды есепке алу, айқындау және өтеу қағидаларын бекіту туралы

Қазақстан Республикасы Ауыл шаруашылығы министрінің 2015 жылғы 27 қаңтардағы № 18-02/42 бұйрығы. Қазақстан Республикасының Әділет министрлігінде 2015 жылы 12 наурызда № 10418 тіркелді.

Қазақстан Республикасы Орман кодексінің 13-бабының 1-тармағының 18-31) тармақшасына сәйкес **БҰЙЫРАМЫН:**

Ескерту. Кіріспе жаңа редакцияда – ҚР Экология және табиғи ресурстар министрінің 05.06.2025 № 151 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

1. Қоса беріліп отырған Орман қорының аумағында өрттен келтірілген залалды есепке алу, айқындау және өтеу қағидалары бекітілсін.

2. Қазақстан Республикасы Ауыл шаруашылығы министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық мемлекеттік тіркелуден кейін күнтізбелік он күн ішінде оның мерзімді баспа басылымдарында және "Әділет" ақпараттық-құқықтық жүйесінде ресми жариялануға жіберілуін;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында орналастырылуын қамтамасыз етсін.

3. Осы бұйрық ол алғаш ресми жарияланған күнінен кейін күнтізбелік он күн өткен соң қолданысқа енгізіледі.

Министр

А. Мамытбеков

"КЕЛІСІЛГЕН"

Қазақстан Республикасы

Ішкі істер министрі

_____ Қ. Қасымов

2015 жылғы 10 ақпан

Қазақстан Республикасы
Ауыл шаруашылығы министрінің
2015 жылғы 27 қаңтардағы
№ 18-02/42 бұйрығымен
бекітілген

Орман қоры аумағында өрттер келтіретін залалды есепке алу, айқындау және өтеу қағидалары

1. Жалпы ережелер

1. Осы Орман қоры аумағында өрттер келтіретін залалды есепке алу, айқындау және өтеу қағидалары (бұдан әрі – Қағидалар) Қазақстан Республикасының 2003 жылғы 8 шілдедегі Орман кодексінің (бұдан әрі – Орман кодексі) 13-бабының 1-тармағының 18-31) тармақшасына сәйкес әзірленді және орман иеленушілердің орман қорының аумағында өрттерден келтірілген залалды есепке алу, анықтау және өтеу тәртібін белгілейді.

Ескерту. 1-тармақ жаңа редакцияда - ҚР Экология және табиғи ресурстар министрінің 18.04.2023 № 127 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

2. Орман өртінен келетін толық материалдық залал мыналарды қамтиды:

1) тікелей материалдық шығын:

орта жастағы, толысып келе жатқан, өсіп-жетілген және қураған екпелерде өсіп тұрған сүрек ысырабының құны;

табиғи және қолдан өсірілген жас шыбықтардың, ұштаспаған орман ағаштары мен өскіннің зақымдануынан келетін залал;

екінші дәрежелі сүрек ресурстарының зақымдануынан келетін залал;

жанама орман пайдалану ресурстарының зақымдануынан келетін залал;

жанып кеткен және бүлінген құрылыс объектілерінен, техникадан, жабдықтар мен басқа да материалдық құндылықтардан келетін залал;

Қазақстан Республикасының Қызыл кітабына енгізілгендерін қоса алғанда, жабайы жануарлар мен өсімдіктердің жойылуынан келетін залал;

2) жанама материалдық залал:

орман өрттерін сөндіруге жұмсалған шығындар;

өрт зардаптарын жоюға жұмсалған шығындар (санитариялық іс-шаралар мен ормандарды молықтыру іс-шараларын жүргізу шығындары);

орманның су қорғау, егістік және топырақ қорғау, генетикалық, санитариялық-гигиеналық, сауықтыру және басқа да пайдалы функцияларының төмендеп кетуінен келетін залал.

3. Орман қоры аумағында өрттер келтіретін залалды есепке алу және анықтау орман өрті жойылғаннан кейін 15 күнтізбелік күн ішінде жүргізіледі. Бұл орайда өрт қамтыған орман қорының учаскесі мен алқабының орналасқан жері анықталады және нақтыналады, өрт шекарасы жақын маңдағы орман соқпақтарына, жолдарға немесе елді мекендерге ұштастырылып, оның мөлшерлі сызбасы жасалады. Жоспарлы-картографиялық материалға орман өртінің сұлбасы түсіріліп, от шарпыған табиғи жолмен өскен жас талдардың, тұтасқан немесе тұтаспаған орман ағаштарының

алқаптары, табиғи жолмен қалпына келуіне жәрдемдесу жөнінде іс-шаралар жүргізілген алқаптар нақтыланады.

4. Орман орналастыру материалдары бойынша өрт зақымдаған орман екпелеріндегі басым тұқымды, орташа биіктігі, диаметрі және қоры анықталады. Зақымданған учаскелерде санитариялық іс-шаралар жүргізу жағдайлары мен мерзімі және ормандарды молықтыру жөніндегі іс-шаралар айқындалады.

5. Орман өртінің түрі мен қарқындылығы осы Қағидаларға 1-қосымшада көрсетілген ағаштардың, олардың жекелеген бөліктерінің және биоценоздың әртүрлі компоненттерінің зақымдану немесе жану белгілері бойынша анықталады.

6. Орман өртінен келген залалды есептегенде қолданыстағы:

"Салық және бюджетке төленетін басқа да міндетті төлемдер туралы" Қазақстан Республикасы кодексінің (Салық кодексінің) 587-бабының 2-тармағында көзделген түбірімен босатылатын сүрек үшін төлемақы ставкалары;

"Қазақстан Республикасының орман заңнамасын бұзудан келтірілген залалдың мөлшерін есептеуге арналған базалық ставкаларды бекіту туралы" Қазақстан Республикасы Экология және табиғи ресурстар министрінің м.а. 2023 жылғы 22 қыркүйектегі № 265 бұйрығымен бекітілген Қазақстан Республикасының орман заңнамасын бұзу келтірген залалдың мөлшерін есептеуге арналған базалық ставкалар (бұдан әрі – Базалық ставкалар);

"Жануарлар дүниесін қорғау, өсімін молайту және пайдалану туралы" Қазақстан Республикасының Заңының 9-бабы 1-тармағының 46) тармақшасына сәйкес белгіленетін жануарлар дүниесін қорғау, өсімін молайту және пайдалану саласында Қазақстан Республикасы заңнамасына бұзу келтірген зиянды өтеу мөлшерлері (бұдан әрі – Зиянды өтеу мөлшерлері);

Орман кодексінің 14-бабының 2) тармақшасына сәйкес облыстардың, республикалық маңызы бар қалалардың, астананың жергілікті өкілді органдары бекіткен мемлекеттік орман қоры учаскелерінде орман пайдаланғаны үшін төлемақы ставкалары (түбірімен босатылатын сүрек үшін ставкаларды қоспағанда) қолданылады.

Ескерту. 6-тармақ жаңа редакцияда – ҚР Экология және табиғи ресурстар министрінің 05.06.2025 № 151 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

2. Тікелей материалдық залалды анықтау тәртібі

7. Өсіп тұрған сүректің шығындары сүректің жалпы қорына пайызбен есептегенде өрттің түрін, оның қарқындылығын, екпедегі басым тұқымдыны және ағаштың орташа диаметрін ескере отырып, осы Қағидаларға 2-қосымшада көрсетілген орман өрттері кезіндегі өсіп тұрған сүрек шығындарының көрсеткіштеріне сәйкес анықталады.

8. Өрт болған алқаптағы сүректің жалпы қоры, от зақымдаған сүрекдіңнің басым тұқымдысының орташа диаметрі орман орналастыру материалдары бойынша анықталады.

9. Егер өрт бірнеше таксациялық телімнен тұратын екпелерді қамтып, өрттің алқабы бір орамның мөлшерінен аспайтын болса, сүректің жалпы шығыны әрбір орам бойынша есептелген шығындар сомасы ретінде анықталады. Жалпы шығындар телімдегі немесе телімнің бір бөлігіндегі сүректің жалпы қорына немесе қор шығынының пайызына байланысты есептеледі. Есеп-қисап басым тұқымды бойынша оның орташа диаметрін ескере отырып жүргізіледі.

10. Егер өрт бірнеше орамды немесе олардың бөліктерін шарпыса, сүрек шығыны орамдар немесе олардың бөліктері бойынша есептеліп, содан кейін қосылады. Мұндай жағдайда жалпы алғанда әрбір орам немесе оның бөлігі үшін сүрек қоры, басым тұқымды және оның орташа диаметрі анықталады.

11. Сүрек шығынына келетін залал түбірімен босатылатын сүректің бір текше метрі үшін төлемақы ставкасын сүрек шығынының көлеміне көбейту жолымен анықталады.

12. Табиғи және қолдан өсірілген жас шыбықтар, тұтаспаған орман ағаштары және өскін (бұдан әрі – жас шыбықтар) зақымданған кездегі залал өсірілген жас шыбықтарды бөрікбасының ұштасу жасына дейін өсіруге жұмсалған шығындар бойынша анықталады.

13. Жас шыбықтардың зақымдануынан келетін залалды анықтау зақымданған жас талдардың жасын ескере отырып, 1 гектар жас талдарды бөрікбасының ұштасуы жасына дейін өсіруге жұмсалған шығындарды осы Қағидаларға 3-қосымшаға сәйкес ормандарды қалпына келтіруге жұмсалатын шығындардың тиісті коэффициентіне көбейту жолымен жүзеге асырылады.

14. Екінші дәрежедегі сүрек ресурстарының зақымдануынан келетін залал түбірімен босатылатын отындық сүрек үшін төлемақы ставкасының 20 % мөлшерінде есептеледі.

15. Орман қоры аумағындағы жанама орман пайдалану ресурстарын орман өртінің зақымдауынан келетін залал мемлекеттік орман қоры учаскелерінде орман пайдалану үшін төлемақы ставкаларының негізінде жанама орман пайдаланудың әрбір зақымданатын ресурсы бойынша анықталатын залал сомасы ретінде есептеледі.

16. Орман өртінің мемлекеттік немесе жекеше орман иеленушілердің ормандағы құрылыс объектілерін, техникасын, жабдықтарын және басқа да материалдық құндылықтарын (шектеу белгілері, аншлагтар, маңдайшалар, көрнекі үгіт пен насихаттың басқа да заттарын, шағын сәулет нысандары) зақымдап немесе жойып келтірген залалдың көлемі олардың нарықтық бағасы басшылыққа алына отырып анықталады.

17. Қазақстан Республикасының Қызыл кітабына енгізілгендерін қоса алғанда, жабайы жануарлар мен өсімдіктердің жойылуынан келетін залал Зиянды өтеу мөлшерлеріне және Базалық ставкаларға сәйкес анықталады.

3. Жанама материалдық залалды анықтау тәртібі

18. Орман өртін сөндіруге жұмсалған шығындар:

1) орман өртін сөндіруге басқа ұйымдар мен кәсіпорындардан тартылған қызметкерлердің, халықтың өзге санаттарының Қазақстан Республикасының еңбек заңнамасына сәйкес төленетін жалақысын;

2) орман өртін сөндіру кезінде пайдаланылған машиналар мен тракторлардың, басқа да механизмдердің олардың иелері шот-фактура беріп растайтын олардың қызметінің құнын;

3) орман өртін сөндіру кезінде жұмсалған жанар-жағармай материалдарының, өрт сөндіру құралдарының құнын;

4) қызметкерлерді тамақтандыруға жұмсалған нарықтық бағалар негізінде есептелген шығындарды қамтиды.

19. Орман өрті болған орман учаскелерінде санитариялық ағаш кесулерді жүргізуге жұмсалған шығындар осы жұмыстарды жүргізуге арналған нормалар мен нормативтер бойынша анықталады, ормандарды молықтыру жөніндегі іс-шараларды жүргізуге жұмсалған шығындар осы салада маманданған жобалау-іздігіру ұйымдары әзірлеген, мемлекеттік экологиялық сараптамадан өткен жобалар негізінде анықталады, бұл ретте 1 гектарға шаққанда көрсетілген іс-шараларды жүргізуге қажет шығындар өрт шарпыған алқапқа көбейтіледі.

20. Орманның су қорғау, егістік және топырақ қорғау, генетикалық, санитариялық-гигиеналық, сауықтыру және басқа да пайдалы функцияларының төмендеп кетуінен келетін залал осы Қағидалардың 2-тарауына сәйкес есептелген өсіп тұрған шығыны мен жас шыбықтардың зақымдануынан залалдардың сомасын осы Қағидаларға 4-қосымшаға сәйкес ормандарды қорғау санаты бойынша залалды айқындауға арналған экологиялық маңыздылық коэффициентіне көбейту арқылы анықталады.

4. Орман қорының аумағында өрт келтірген залалды есепке алу тәртібі

21. Орман қоры аумағында өрт келтірген залал туралы мәліметтер осы Қағидаларға тиісінше 5 және 6-қосымшаларға сәйкес нысандар бойынша орман өрті туралы хаттамада, орман өрттерін есепке алу журналында көрсетіледі.

22. Орман өрті туралы хаттаманы орман иеленуші екі нұсқада жасайды, бұл ретте бірінші данасы құқық қорғау органдарына беріледі, ал екінші данасы орман иеленушіде қалады.

23. Орман иеленуші Орман қоры аумағындағы орман өрттерін есепке алу журналын жүргізеді, ол нөмірленеді, тігіледі, орман иеленішінің қолымен және мөрімен расталады.

5. Орман өрті келтіретін залалды өтеу тәртібі

24. Жеке және заңды тұлғалардың отқа абай болмауы немесе Орман кодексінің 63-бабының 2 тармағына сәйкес белгіленетін Ормандардағы өрт қауіпсіздігі қағидаларын бұзуы салдарынан ағаштар мен бұталардың жойылуы және (немесе) зақымдануы нәтижесінде орман қорының аумағында өрттер келтіретін тікелей және жанама залал олардың өтеуіне жатады.

Орман қорының аумағында өрт келтірілген залал ерікті түрде немесе Қазақстан Республикасының заңнамасына сәйкес сот тәртібімен өтеледі.

Орман қоры аумағында өрттер
келтіретін залалды есепке алу,
анықтау және өтеу қағидаларына
1-қосымша

Ағаштардың, олардың жеке бөліктерінің және биоценоздың әртүрлі компоненттерінің жарақаттану немесе жану белгілері

Өрт түрі мен оның интенсивтілігі	Өрт қауіптілігінің классы	Жанатын орман материалдарының түрі, олардың өзгешелігі мен жану ерекшеліктері
1	2	3
Төменгі жүгірмелі:		
әлсіз	I-II	Жерге түскен жапырақтар, бұтақшалар, мүктер, қыналар, өткен жылғы құрғақ шөп жанады, жалынның биіктігі 0,5 мерге дейін, оттың таралу жылдамдығы минутына 1 метр. 1 шаршы метр жану материалдарының запасы 0,3-1,2 килограмм.
орташа	II-III	Жерге түскен жапырақтар, бұтақшалар, мүктер, қыналар, бұтақтар, шөп төсеніштерінің үстіңгі қабаты жанады, жалынның биіктігі 0,5-1,5 метр дейін, күйген ағаш діңінің биіктігі 1-2 метр, оттың таралу жылдамдығы минутына 3-5 метр. 1 шаршы метр жану материалдарының запасы 0,3-2,5 килограмм.
күшті	III-IV	Жалынның биіктігі 1,5-2 метр, күйген ағаш діңінің биіктігі 2 метрден жоғары, оттың таралу жылдамдығы 3-5 метр. 1 шаршы метр жану материалдарының запасы 0,3-2,5 килограмм.
Төменгі тұрақты:		
		Жоғарыда көрсетілген жану материалдарынан басқа

әлсіз	II-III	топырақтың үстіңгі қабатындағы тірі төсеніштер, төсеніштің шірі бастаған қабаты жанады. 1 шаршы метр жану материалының запасы 0,5-3,6 килограмм құрайды.
орташа	III-IV	Қосымша орман төсенішінің жартылай шіріген қабаты жанады, ал ағаш діңгегі айналасындағы, түбір мен ағаштар қалдығы жердің минералдық қабатына дейін жанады, күйген ағаш діңінің биіктігі 10-12 метр.
күшті	IV-V	Орман төсеніші жердің минералдық қабатына дейін толық жанып кетеді, ағаштардың тамыр жүйелері де күйеді, олардың жекелегендері құлайды. Күйген ағаш діңінің биіктігі 10-12 метрден жоғары.
Топырақтық (топырақтық-шымтезек):		
әлсіз	III	Сфагнум 7 сантиметр тереңдікке дейін жанып кетеді, тамырлар арасындағы шымтезек 30 сантиметр тереңдікке дейін күйеді .
орташа	IV	Сфагнумнан басқа шымтезек 25 сантиметр тереңдікке дейін жанып кетеді. Көптеген ағаштардың айналасында, олардың кесекті шымтезек бөлімі топырақтың минералды қабатына дейін жанады. Жекелеген ағаштар құлайды.
күшті	IV-V	Шымтезек қабаты толығымен топырақтың минералдық бөліміне дейін жанып кетеді. Ағаштардың жаппай құлауы байқалады.
Жоғарғы:		
әлсіз	III	Ағаштың ұшар басының тұтастығы шамалы қылқан жапырақты, немесе құрамына жапырақ тұқымдылар кіретін екпелерде туындайды. Қылқан жапырақтылардың топтаса орналасқан учаскелері өрттен зақымданады.
орташа	III-IV	Орман дақылдарында және табиғи жолмен өнген қылқан жапырақты тұқымдарда туындайды. Ағаштың үстіңгі қабатындағы өрт көлденеңінен де таралады,

[illegible]

44		33 және одан жоғары	-	75	20	80	85	40	15	5
45	күшті	12-16	100	100	100	100	100	90	60	40
46		17-24	50	100	80	100	100	80	45	35
47		25-32	25	95	70	95	100	70	35	25
48		33 және одан жоғары	-	90	60	90	95	60	20	15

Орман қоры аумағында өрттер келтіретін залалды есепке алу, анықтау және өтеу қағидаларына
3-қосымша

Орманды қалпына келтіру пығындарына коэффициент

Жойылған жас шыбықтардың жасы, жыл	Қылқан жапырақты (майқарағайдан басқа) және қаттыжапырақты тұқымдалыр	Майқарағай	Жұмсақ жапырақтылар тұқымдылар
1	2	3	4
1-5	0,91	0,91	0,91
6-10	1,00	1,00	1,00
11-20	1,16	1,16	1,16
21-30	1,41	1,41	-
31-40	1,72	1,72	-
41-60	-	2,32	-
61-80	-	3,45	-

Орман қоры аумағында өрттер келтіретін залалды есепке алу, анықтау және өтеу қағидаларына
4-қосымша

Ормандардың қорғалу санаты бойынша залалды белгілеу үшін экологиялық маңыздылық коэффициенті

Орман қызметінің түрлері	Жолдар №	Ормандардың қорғалу категориясы	Коэффициент
1	2	3	4
Суды сақтау	1	Өзендер, көлдер, су тоғандары, каналдар және басқа да су қоры нысандарының жағалауындағы тиым салынған орман алқабы	2,5
	2	Мемлекеттік орман алқабы қорғанышы	3,0

Қорғаныш	3	Эррозияға қарсы ормандар	3,0
	4	Халықаралық және республикалық маңызы бар жалпы пайдаланымдағы темір және авто жолдар, магистральдық тасымал құбырлары және басқа да линиялық құрылыстарға бөлінген қорғаныш орман алқабы	3,0
	5	Халықаралық және республикалық маңызы бар жалпы пайдаланымдағы темір жолы және автожолдар бойындағы қорғаныш орман алқабы	3,0
	6	Алқап- және топырақ қорғаныш орманы	2,0
Санитарлық-гигиеналық және сауықтыру	7	Қалалық орман және орман паркі	3,0
	8	Елді-мекендердің жасыл аймағы және емдеу-сауықтыру мекемелері	3,0
Генетикалық және ерекше қорғалатын табиғи аумақтар	9	Биосфералық және қорықтық-сепортерлікті қосқанда, мемлекеттік табиғи қорықтар орманы	5,0
	10	Мемлекеттік ұлттық табиғи парктер орманы	4,0
	11	Мемлекеттік табиғат резерві ормандары	4,0
	12	Мемлекеттік табиғат парктер ормандары	4,0
	13	Мемлекеттік қорықтық аймақтар ормандары	5,0
	14	Мемлекеттік орманның табиғи ескерткіштері	5,0
	15	Генетикалық орман резервін қосқанда, ғылыми маңызы бар орман учаскелері	4,0
	16	Ерекше құнды орман алабы	3,0
	17	Жаңғақ кәсіпшілігі аймағы	2,0

18	Орман жеміс-жидегі екпелері	2,0
19	Субальпілік ормандар	2,0

Орман қоры аумағында өрттер келтіретін залалды есепке алу, анықтау және өтеу қағидаларына
5-қосымша

Нысан

(орман иесінің атауы)

Орман өрті туралы № ____ хаттама

Осы хаттаманы 20 __ жылғы " __ " _____

(хаттаманы жасаушысының аты-жөні, лауазымы)

(хаттаманы толтырған жер)

төмендегілер туралы толтырды:

1. 20 __ жылғы " __ " _____ " __ " сағат " __ " минутта орман өрті байқалды

(өрттің қайда байқалғаны – орамда, телімде, кеспеағашта, көрсетілсін

жақын орналасқан елді мекеннен, су қоймасынан, жолдан қашықтығы)

2. Өрт байқалды _____

(орамдағы өрт бақылау мұнарасынан, патрульдік ұшақтан

немесе тікұшақтан және қайсы авиа бөлімнен – көрсетілсін, егер өртті

мемлекеттік орман қоры қызметкері немесе мемлекеттік инспектор,

уақытша өрт күзетшісі байқаған болса немесе бөтен тұлға байқаған

болса – қызметі, тегі, аты, әкесінің аты (болса), және мекен жайы көрсетілсін)

3. Байқалған сәттегі өрттің ауданы _____

("Қазавиаорманқорғау" Республикалық мемлекеттік

казыналық кәсіпорны әуе кемесінен жеткізуіне немесе өртті байқаған

тұлғаның хабарлауы негізінде өрттің ауданы га көрсетілсін)

4. "Қазавиаорманқорғау" Республикалық мемлекеттік қазыналық кәсіпорны
әуе ұшағының жеткізуі (хабарлауы)

"__" _____ 20__ жылғы "__" сағат "__" минутта алынды _____

(өрт туралы хабарлау немесе жеткізу және ол кімнен алынды,

алынған уақыты және күні көрсетілсін)

5. Өрт шыққан жерде табылған _____

(өрттің шығуына және оның себептерін

анықтауға мүмкіндік туғызатын от қалдықтары, ауылшаруашылығы

қалдықтары және басқа да табылған белгілер, көрсетілсін)

6. Өрттің шығу себебі _____

(егер өрт қауіпсіздігі ережесі бұзылған болса,

анықталған немесе болжамды себебі, заң бұзушылықтың жасалған уақыты

және оған не себеп, ережелер атауы, оларды кім бекітті, қандай

тармақ бұзылды – көрсетілсін)

7. Өрттің шығуына кінәлілер:тегі, аты және әкесінің аты, туған жылы__

_____ тұрғылықты жері

_____ жұмыс, оқу орыны,

атқаратын қызметі _____

_____ жалақысының мөлшері

_____ отбасылық жағдайы

(отбасы мүшелерінің саны, асырауындағылар саны)

өрттің шығуына кінәлілердің жеке басын куәландыратын құжаттар

(құжаттар атауы, олардың нөмірлері, кім және қашан берген)

Өрт сөндіру орындарында кінәлілер анықталмаған жағдайда кінәлілерді

айқындау мақсатында тиісті тексеру үшін қажетті деректер көрсетіледі

8. Өртті сөндіру басталды " __ " _____ 20__ жылғы " __ " сағат " __ " минут

9. Өрт жайлаған алаң, гектар:

Орман өртінің түрі және оның қарқындылығы	Орта жастағы, толысып келе жатқан, толысқан және кураған ағаштар			Орман көшеттері	Табиғи өнген жас шыбықтар	Өткен жылы жанып кеткен ағаштар	Сирек және орманы жоқ алқаптар	Орман алқабының барлығы	Орманы жоқ алқаптар
1	2	3	4	5	6	7	8	9	10
Төменгі жүгірмелі:									
әлсіз									
орташа									
күшті									
Төменгі тұрақты:									
әлсіз									
орташа									
Күшті									
Топырақты (топырақты – шымтезекті):									
әлсіз									
орташа									
күшті									
Жоғарғы:									
әлсіз									
орташа									
күшті									
Барлығы:									

(жерден және әуеден көзбен шолып тексеру әдісімен жиналған деректер бойынша таксациялық материалдар негізінде толтырылады)

10. Өрт жойылды " __ " _____ 20__ жылғы " __ " сағат " __ " минутта

(кімдер екені көрсетілсін: мемлекеттік орман күзетінің, өрт сөндіру десант қызметінің қызметкерлері, өрт сөндіру орман стансасының

командасы, тартылған тұлғалар)

11. Өрт сөндіруге пайдаланылды: адам-күн _____

автомашина-ауысым _____ трактор-ауысым _____

12. Өрт сөндіруге қолданылған құралдар және тәсілдер _____

(сабалау, құммен көму, өрт сөндіру машиналары, орман өрт сөндіргіш

құралдары, мотопомпалар көмегімен су шашу, химикаттар қолдану)

13. Өртті қарауылдауға қабылданған шаралар _____

14. Қарауылдауға жауапты тұлға _____

(тегі, аты, әкесінің аты (болса),

лауазымы және жұмыс орыны)

15. Орман өрті келтірген зиян, теңге:

а) түбірінен жойылған сүректер _____ текше метр, сомасы _____

б) жас шыбықтардың зақымдануы _____

в) екінші дәрежелі орман ресурстарының зақымдануы _____

г) орманды жанама пайдалану ресурстарының зақымдануы _____

д) жанып кеткен және бүлінген құрылыс нысандары, техникалар, қондырғылар және басқа да материалдық құндылықтардың зақымдануы _____

е) Қазақстан Республикасының Қызыл кітабына енгізілгендерді қоса алғанда, жабайы жануарлар мен өсімдіктердің жойылуынан келетін залал _____

ұ) орман өрттерін сөндірудің шығыстары _____

ж) ормандарды өсіру жөніндегі шараларды жүргізудің шығындары _____

з) суды сақтау, алқап- және топырақ қорғау, генетикалық, санитарлық-гигиеналық, сауықтыру және орманның басқа да пайдалы функцияларының төмендеуінен келетін залал _____

и) залалдар жиынтығы _____

16. Орман өртін сөндіруге жетекшілік еткен тұлғаның лауазымы, тегі, аты-жөні _____

17. Хаттамаға қосымшалар:

а) өрттің схемалық сызбалары;

б) сүректердің түбірінен жойылуының, балауса ағаштардың зақымдануының, орман пайдаланудың жанама ресурстарының зақымдануының, нысандар мен ормандағы дайын өнімдердің зақымдануы және жойылуының, орман қорғау функциялары төмендеуінің, жануарлар мен өсімдіктердің жойылуының, сондай-ақ, орман өртін сөндіру және өртеңдерді тазалудың шығындары зиянының көлемін негіздеу және есептеу;

в) өрттің (ауа-райының жағдайы бойынша өрттің қауіптілік класы, желдің бағыты мен күші, ормангидрологиялық ерекшеліктер мен жергілікті жердің рельефі) жағдайы және өртті сөндіру барысындағы қолданылған тактикалық әдістер, техникалық құралдар мен тәсілдер, иеліктегі күш пен құралдарды өрттің перифериясы бойынша бөлу, қосымша тартылған күш пен құралдардың саны мен мерзімі және оларды пайдалану туралы орман өртін сөндіру жетекшісінің баяндау жазбасы.

18. Орман өртінің орын алуына кінәлі тұлғаның түсініктемесі

Хаттаманы жасаушының қолы _____

Өрттің орын алуына кінәлі тұлғаның қолы _____

Ескертпе _____

(қылмыстық іс қозғау үшін құқық қорғау органына жіберілгені

туралы хаттың нөмірі мен күні көрсетілсін)

Ескертпе жасаған тұлғаның тегі, аты-жөні және лауазымы _____

Өрттің орын алуына кінәлі тұлға хаттамаға қол қоюдан бас тартқан жағдайда, хаттамаға бұл туралы жазылады.

Орман қоры аумағында өрттер
келтіретін залалды есепке алу,
анықтау және өтеу қағидаларына
6-қосымша

Нысан

Қазақстан Республикасының орман қоры аумағындағы орман өрттерін тіркеу журналы

(орман иелерінің атауы)
осы журналдың парақтары _____ нөмірленген және тігілген
(жазба түрде)

Р/н №	Күні және уақыты				өрттің шыққан орны (орам, телім, филиал, мемлекеттік мекеме)	орман өрті туралы хаттаманың № және оның толтырылған күні	орман өртінің түрі және қарқындылығы
	орман өртінің басталуы	орман өртін сөндірудің басталуы	орман өртін жайылтпаушылық	орман өртін жою			
1	2	3	4	5	6	7	8

кестенің жалғасы

Өрт жайлаған аумақ, га							орман өртінің шығу себебі және оған кінәлі тұлға	өрт кіммен және қандай құралдың көмегімен байқалды
орта жастағы, толысып келе жатқан, толысқан, қураған	балауса ағаштар	орман көшеттері	өртеңдер	орман өспеген аумақ	барлығы	орман емес аумақ		
9	10	11	12	13	14	15	16	17

кестенің жалғасы

Өрт сөндіруге пайдаланылды			Орман өртінен келген залал, мың теңге		Істі тапсыру туралы мәліметтер	
адам-күні	автомашина-ауысым	трактор-ауысым	барлығы	оның ішінде орман өртін сөндіру	сотқа	құқық қорғау органдарына
18	19	20	21	22	23	24

кестенің жалғасы

Қылмыстық іс қозғау туралы мәліметтер	қаралу күні және сот шешімі	әкімшілік жазаға тарту және айыппұл өндіріп алу туралы мәлімет	талап қою және зиянды өндіріп алу туралы мәлімет	алқаптың өрттен кейінгі өзгерісі туралы белгі
25	26	27	28	29

Ескертпе: журнал жетекшінің қолы және орман иесінің мөрімен расталады

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК